



Pou Piblikasyon Imedya: 09/03/2020

GOUVÈNÈ ANDREW M. CUOMO

**GOUVÈNÈ CUOMO ANONSE TABLEWONN REJYONAL NAN REJYON LWÈS NEW YORK POU PLANIFYE EGZEKISYON LWA SOU OBLIGASYON ANVIWÒNMANTAL 'RESTORE MANMAN LANATI' A**

*Inisyativ rediksyon inondasyon ak restorasyon abita nan nasyon an nan kad angajman istorik ki estime a 33 milya dola pou senk ane pou konbat chanjman klimatik la*

Gouvènè Andrew M. Cuomo te anonse katriyèm sou yon seri reyinyon tablewonn rejyonal kote ajans Eta New York yo pral rankontre ak pati konsène yo nan nivo lokal pou ede ak egzekisyon alavni Lwa sou Obligasyon Anviwònmantal (Environmental Bond Act) "Restore Manman Lanati" (Restore Mother Nature) a ki estime a 3 milya dola yo pwopoze ki te fèt jodi a nan Rejyon Lwès New York. Tablewonn nan te fèt nan Niagara Power Vista nan Lewiston ak pati konsène ak minisipalite ki angaje yo pou asire pwojè alavni yo pral aliyen ak priorite lokal yo. Yo pwograme plis tablewonn nan tout Eta New York la.

"Rejyon Lwès New York, tankou tout kwen nan eta a, gen move tan nan dènye ane yo ki te afekte li - epi se poutèt sa nou dwe aji anvan li twò ta", **Gouvènè Cuomo te deklare.** "New York te lanse apwòch ki pi agresif nan nasyon an pou konbat chanjman klimatik epi yon pati enpòtan nan efò sa se lwa sou obligasyon anviwònmantal ki pral pèmèt nou restore domaj nan abita epi pwoteje kominote yo kont inondasyon."

Devwale nan diskou Eta Leta 2020 Gouvènè Cuomo a, Lwa sou Obligasyon Anviwònmantal "Restore Manman Lanati" a prezante yon seri de pwojè enpòtan pou pwoteje resous dlo nou yo ak abita pwason ak bèt sovaj pou jenerasyon alavni yo. Egzanp kalite pwojè ke yo ka finanse atravè nouvo inisyativ sa a ka gen ladan:

- Akizisyon tè pou bay opòtinite lwazi, pwoteje kominote yo kont inondasyon, ak sovgade sous dlo potab yo.
- Restorasyon zòn imid dlo dous ak marekaj pou "mete lanati nan travay" nan filtre eleman kontaminan ak eleman nitritif yo.
- Tanpon rivren pou pwoteje mas dlo yo kont ekoulman eleman nitritif ak sedimantasyon ak anpeche HAB yo.
- Investisman eklozri pwason ak amelyorasyon sit aksè piblik pou leve NY antanke premye eta a pou lapèch lwazi.

- Mezi pou ranfòse rezilyans ki gen ladan acha pwopriyete volontèman, kalibre gwosè kanivo yo ak pon yo, retire dig ki demode ak danjere yo, ak pwojè enfrastrikti vèt yo.

Pandan tablewonn yo, ajans Eta New York yo, tankou Depatman Konsèvasyon Anviwònmanal (Department of Environmental Conservation, DEC), Biwo Pak, Lwazi ak Konsèvasyon Istorik (Office of Parks, Recreation and Historic Preservation), Depatman Agrikilti ak Mache (Department of Agriculture and Markets), Depatman Eta a (Department of State), Otorite Rechèch ak Devlopman pou Enèji Eta New York (New York State Energy Research and Development Authority), ak lòt yo ki pral angaje kominote yo ak pati konsène yo nan yon pwosesis transparan pou idantifye pwojè potansyèl ki diminye risk ki soti nan inondasyon ak avanse restorasyon abita a.

**Komisè Pak yo Erik Kulleseid te deklare,** "Gouvènè Andrew Cuomo rekonèt konsansis syantifik serye ki sipòte reyalite chanjman klimatik ke moun fè. Lwa sou Obligasyon Restore Manman Lanati li a pral transfòme rekonesans sa a an aksyon konkrè nan tout eta a, sa k'ap pwoteje sitwayen nou yo, enstalasyon Pak nou yo, ak resous natirèl nou yo kont aspè ki pi devastatè yo".

Dènye tanpèt yo, enkli gwo tanpèt Sandy, Siklòn Irene, ak Tanpèt Twopikal Lee, te pwouve evidans klè sou nesesis pou ranfòse rezistans kominote yo kont efè chanjman klimatik ak evènman meteyowolojik grav yo. Depi 2011, chak konte nan New York te fè eksperyans omwen ak de deklarasyon kataswòf ki gen rapò ak kondisyon meteyowolojik yo, epi plis pase mwatye sibi senk (5) oswa plis kataswòf. Gouvènman federal la ak gouvènman Eta yo depanse plis pase 26 milya dola pou reponn ak katastwòf sa yo, e syantis yo estime ke inondasyon pral koze domaj ki estime a plis pase 50 milya dola a nan New York nan pwochen deseni an. Li enpòtan anpil pou nou investi nan restorasyon anviwònmanal pou New York kontinye gen siksè ekonomik. Plèn inondab ak forè eta yo se baryè natirèl endispansab ki diminye risk pou kominote yo kont inondasyon ogmante ak tanpèt ki pi entans nan bay yon premye liy defans, ansanm ak abita enpòtan anpil ki nesesis pou kenbe pwason yo ak espès bèt sovaj yo.

Yo te adopte dènye lwa obligasyon anviwònmanal New York la prèske yon jenerasyon pase ki date depi 1996. Aksyon sa a pral ede sekirite finansman pou pwojè enpòtan yo pou pwoteje resous dlo eta a ak abita pwason ak bèt sovaj pou jenerasyon aktyèl la ak pou jenerasyon alavni yo.

Anplis de sa, Gouvènè Cuomo pwopoze pou sipòte Fon Pwoteksyon Anviwònmanal la pou katriyèm ane youn dèyè lòt nan yon nivo rekò ki evalye a 300 milyon dola a. Apwopriasyon yo gen ladan 39 milyon dola pou pwogram dechè solid yo, 89 milyon dola pou pak ak aktivite lwazi yo, 152 milyon dola pou pwogram anplennè yo, ak 20 milyon dola pou pwogram rediksyon ak adaptasyon chanjman klimatik la. Li te pwopoze tou 500 milyon dola anplis pou enfrastrikti dlo pwòp, yon pati nan angajman san parèy eta a ki estime a 3.5 milya dola pou asire ke tout Nouyòkè yo gen aksè ak dlo pwòp.

**Chèf Majorite a Crystal Peoples-Stokes te deklare,** "Lavni ekonomik Buffalo ak Rejyon Lwès New York lye anpil ak sante ak byennèt vwa navigab nou yo ak anviwònman fizik la. Lwa sou Obligasyon Anviwònmanal 'Restore Manman Lanati' 3 milya dola Gouvènè a pwopoze a se yon gwo etap anvè pwoteksyon resous natirèl nou

yo, konsa pou asire vitalite ekonomik ak anviwòntanl rejyon nou an pou jenerasyon k ap vini yo".

**Manm asanble Sean Ryan te deklare,** "Nou konnen Eta New York gen kèk nan pi gwo resous ekolojik nan nasyon an epi tout Nouyòkè yo merite gen aksè ak espas louvri klas mondyal ak lè ak dlo pwòp. Lwa sou Obligasyon Anviwònmantal Restore Manman Lanati a se pral yon etap enpòtan pou pwoteje sante piblik ak ede asire yon lavni ki meyè pou timoun nou yo".

###

Lèt nouwèl disponib sou sitwèb [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)